



SLUŽBA ZA REVIZIJU FINANSIJSKOG POSLOVANJA

Na osnovu člana 14. stav (1) Zakona o finansiranju političkih stranaka («Službeni glasnik BiH» broj 22/00), člana 24. Pravilnika o godišnjim finansijskim izvještajima političkih stranaka («Službeni glasnik BiH» broj 61/06), a u skladu sa članom 12. Pravilnika o administrativnim procedurama pregleda, kontrole i revizije finansijskih izvještaja političkih stranaka («Službeni glasnik BiH», broj: 103/08), izdajem

IZVJEŠTAJ O PREGLEDU GODIŠNJEG FINANSIJSKOG IZVJEŠTAJA ZA 2008. GODINU HRVATSKE STRANKE PRAVA BOSNE I HERCEGOVINE „Đapić-dr. Jurišić“

Broj: 03-07-6-1520/09
Sarajevo, 09.12.2009. godine

SADRŽAJ

MIŠLJENJE REVIZORA	3
1. UVOD.....	4
2. PREDSTAVLJANJE POLITIČKE STRANKE.....	4
3. OPIS PREGLEDA I KONTROLE FINANSIJSKOG IZVJEŠTAJA.....	4
Predmet pregleda i kontrole.....	5
Cilj pregleda i kontrole	5
Obim pregleda i kontrole.....	5
4. PRETHODNE KONTROLE I REVIZIJE	5
5. NALAZI I PREPORUKE.....	5
5.1. NALAZI	5
5.2. P R E P O R U K E :.....	7

MIŠLJENJE REVIZORA

Služba za reviziju finansijskog poslovanja u Centralnoj izbornoj komisiji Bosne i Hercegovine izvršila je pregled finansijskih izvještaja Hrvatske stranke prava Bosne i Hercegovine „Đapić - dr. Jurišić“ za 2008. godinu i to: godišnjeg finansijskog izvještaja za 2008. godinu i finansijskog izvještaja za period od dana podnošenja prijave za ovjeru za izbore do dana ovjere rezultata lokalnih izbora, održanih u oktobru 2008. godine.

Rukovodstvo stranke je odgovorno za finansijske izvještaje, postupanje u skladu sa Zakonom o finansiranju političkih stranaka i uspostavljanje efikasnog sistema internih kontrola.

Pregled smo obavili u skladu sa revizijskim standardima primjenjivim na angažmanu u pregledu. Ovi standardi zahtijevaju da planiramo i izvršimo pregled da bi dobili umjerenu pouzdanost da stranka nije značajno kršila odredbe Zakona o finansiranju političkih stranaka.

Pregled je ograničen na kontrolu godišnjeg finansijskog izvještaja političke stranke i primjenu analitičkih procedura na podacima iz finansijskih izvještaja, pa prema tome ne obezbjeđuju pouzdanost koja bi se dobila izvršenom revizijom u prostorijama stranke.

Na osnovu našeg pregleda utvrđeno je sljedeće:

Hrvatska stranka prava Bosne i Hercegovine „Đapić - dr. Jurišić“ nije ispoštovala odredbe člana 8. stav 1. i člana 11. stav 1. Zakona o finansiranju političkih stranaka.

Pregledom, odnosno kontrolom finansijskog izvještaja, osim gornje napomene nismo zapazili ništa značajno što bi ukazalo na nedostatke u finansijskom izvještaju ili na finansiranje ove političke stranke suprotno odredbama Zakona o finansiranju političkih stranaka.

1. UVOD

Služba za reviziju finansijskog poslovanja u Centralnoj izbornoj komisiji BiH (u daljem tekstu: Služba za reviziju) izvršila je pregled finansijskih izvještaja Hrvatske stranke prava Bosne i Hercegovine „Đapić - dr. Jurišić“ za 2008. godinu i to: godišnjeg finansijskog izvještaja za 2008. godinu i finansijskog izvještaja za period od dana podnošenja prijave za ovjeru za izbore do dana ovjere rezultata lokalnih izbora, održanih u oktobru 2008. godine.

Pregled i kontrola finansijskog izvještaja su provedeni u skladu sa članom 25. Pravilnika o godišnjim finansijskim izvještajima političkih stranaka («Službeni glasnik BiH» broj 61/06) i članom 2. Pravilnika o administrativnim procedurama pregleda, kontrole i revizije finansijskih izvještaja političkih stranaka («Službeni glasnik BiH», broj: 103/08).

Zbog činjenice da nije obavljena revizija u prostorijama političke stranke, postoji velika mogućnost da pojedine materijalno značajne greške ne budu otkrivene.

U godišnjem finansijskom izvještaju za 2008. godinu Hrvatska stranka prava Bosne i Hercegovine „Đapić - dr. Jurišić“ je iskazala prihod u iznosu od 371.433,21 KM, što je prikazano u narednoj tabeli:

Red.br.	Vrsta prihoda	Iznos u KM	Učešće u ukupnom prihodu %
1	Članarina	4.290,00	1,15%
2	Prilozi fizičkih lica	0,00	
3	Prilozi pravnih lica	2.000,00	0,54%
4	Prihodi od imovine	69,05	0,02%
5	Prihodi od pr.lica	0,00	
6	Prihodi od poklona	0,00	
7	Prihodi iz budžeta	365.074,16	98,29%
	Ukupni prihodi:	371.433,21	100,00%

Prema podacima iz godišnjeg finansijskog izvještaja Hrvatska stranka prava Bosne i Hercegovine „Đapić - dr. Jurišić“ je ostvarila rashode u iznosu 474.101,24 KM.

2. PREDSTAVLJANJE POLITIČKE STRANKE

Naziv političke stranke: Hrvatska stranka prava Bosne i Hercegovine „Đapić-dr.Jurišić“. Skraćeni naziv stranke je HSP BiH.

Politička stranka je upisana u sudski registar kod Općinskog suda u Mostaru 05.05.2004. godine pod brojem R-11/04, a izmjene koje su u sudskom registru izvršene 23.01.2008. godine upisane su pod brojem R/6-07.

Sjedište političke stranke je u Mostaru, Ulica Kneza Mihaela Viševića Humskog broj 39.

Lica ovlaštena za zastupanje stranke su dr. Zvonko Jurišić, predsjednik stranke i Žarko Pavlović, zamjenik predsjednika stranke.

Lice ovlašteno za podnošenje finansijskih izvještaja za 2008. godinu je Krasnodar Vasić.

Organizacionu strukturu HSP BiH „Đapić-dr.Jurišić“ čine:

- Središnjica stranke
- 5 kantonalnih vijeća
- Gradska podružnica Mostar
- 14 općinskih podružnica

3. OPIS PREGLEDA I KONTROLE FINANSIJSKOG IZVJEŠTAJA

Predmet pregleda i kontrole je godišnji finansijski izvještaj Hrvatske stranke prava BiH „Đapić-dr.Jurišić“ za 2008. godinu i finansijski izvještaj za period od dana podnošenja prijave za ovjeru za izbore do dana ovjere rezultata lokalnih izbora održanih u oktobru 2008. godine.

Cilj pregleda i kontrole je da revizor na bazi finansijskog izvještaja pokuša da ustanovi da li je Hrvatska stranka prava BiH „Đapić-dr.Jurišić“ u izvještajnom periodu postupala u skladu sa odredbama Zakona o finansiranju političkih stranaka i odredbama člana 15.10 Izbornog zakona BiH. Ukoliko revizor na bazi kontrole finansijskog izvještaja utvrdi određena kršenja Zakona, ocjenjuje da li je potrebno izvršiti reviziju u prostorijama političke stranke da bi mogao izraziti mišljenje o tome da li se stranka finansirala u skladu sa Zakonom o finansiranju političkih stranaka.

Obim pregleda i kontrole finansijskih izvještaja Hrvatske stranke prava BiH „Đapić-dr.Jurišić“ obuhvata kontrolu i provođenje analitičkih procedura radi utvrđivanja usklađenosti podataka koje je stranka iskazala u finansijskom izvještaju sa odredbama Zakona o finansiranju političkih stranaka.

4. PRETHODNE KONTROLE I REVIZIJE

U prethodnom periodu izvršen je pregled godišnjih finansijskih izvještaja Hrvatske stranke prava BiH „Đapić-dr.Jurišić“ za 2005. i 2007.godinu, a za 2006. godinu je izvršena revizija finansijskih izvještaja u prostorijama stranke. Nakon obavljenih pregleda, odnosno revizije finansijskih izvještaja ove političke stranke, izdati izvještaji sa mišljenjem revizora, nalazima i preporukama revizije da stranka treba postupati u skladu sa odredbama člana člana 8. stav 1. i člana 11. stav 1. i 3. Zakona o finansiranju političkih stranaka.

Nerealizovane preporuke:

Na osnovu uočenih nedostataka u godišnjem finansijskom izvještaju za 2008. godinu, utvrđeno je da politička stranka i dalje krši odredbe člana 8.stav 1. i člana 11. stav 1. Zakona o finansiranju političkih stranaka.

5. NALAZI I PREPORUKE

5.1. NALAZI

a) Hrvatska stranka prava BiH „Đapić-dr.Jurišić“ je prekršila odredbe člana 8. stav 1. Zakona o finansiranju političkih stranaka.¹

¹ Državni, entitetski i kantonalni organi, organi opštinskih i mjesnih zajednica, javne institucije, javna preduzeća, humanitarne organizacije, preduzeća koja su po samoj svojoj djelatnosti isključivo neprofitna, vjerske

Za svoj rad u 2008. godini, politička stranka je bez naknade koristila poslovne prostorije u vlasništvu Grada Mostara.

Rješenjem broj: 07/II-1-2042/99 od 10.11.1999. godine Općina Mostar -Jugozapad je ovoj političkoj stranci dodijelila na trajno korištenje poslovni prostor površine 184 m² koji se nalazi u Ulici Kneza Mihajla Viševića Humskog na broju 39 u Mostaru. Na osnovu Odluke o dodjeli u zakup, korištenju i održavanju poslovnih prostora u vlasništvu Općine Mostar - Zapad („Službeno glasilo Gradske općine Mostar-Zapad“, broj 9/01), kojom je utvrđena cijena poslovnog prostora na području Mostara za neprofitabilne i humanitarne organizacije u iznosu od 10 KM/m², može se pozvano utvrditi da mjesečna zakupnina poslovnog prostora koji koristi Hrvatska stranka prava BiH „Đapić-dr.Jurišić“ iznosi 1.840,00 KM mjesečno, odnosno 22.080,00 KM godišnje.

Time što ova politička stranka nije platila zakupninu za korištenje navedenog poslovnog prostora, u 2008. godini je ostvarila zabranjen prilog u odnosu od 22.080,00 KM.

b) Kontrolom finansijskog izvještaja i finansijske dokumentacije za 2008. godinu, utvrđeno je da Hrvatska stranka prava BiH „Đapić-dr.Jurišić“ nije ispoštovala odredbe člana 11. stav 1. Zakona o finansiranju političkih stranaka².

Stranka u kontrolisanom periodu nije vodila pravovremene evidencije o svojim rashodima.

- Kontrolom finansijske dokumentacije vezane za promet blagajne, koji se iskazuje na obrascu 2.-1. finansijskog izvještaja, utvrđeno je da uplate novčanih sredstava na blagajnu i isplate sredstava iz blagajne za troškove stranke nisu evidentirane u momentu njihovog nastanka.

U toku 2008. godine obavljeno je 27 transakcija unošenja gotovine (novca) u blagajnu, dok su u poslovnim knjigama u okviru prometa blagajne iskazane četiri uplate sredstava i to u zbirnim iznosima kroz blagajničke izvještaje, koji obuhvataju vremensko razdoblje od dva do šest mjeseci.³ Ovakav način vođenja evidencija nije u skladu sa računovodstvenim propisima i odredbama člana 11. stav (1) Zakona o finansiranju političkih stranaka.

- U godišnjem finansijskom izvještaju stranka je iskazala troškove kampanje u iznosu od 234.232,54 KM, a u izvještaju koji obuhvata period od dana podnošenja prijave za ovjeru za Lokalne izbore 2008. godine do dana ovjere rezultata izbora iskazala je troškove kampanje u iznosu od 166.732,43 KM. Kontrolom finansijske dokumentacije utvrđeno je da je stranka postizborni finansijski izvještaj sačinila na osnovu nepotpunih evidencija o troškovima. Na bazi godišnjeg finansijskog izvještaja i poslovnih knjiga stranke, utvrđeno je da troškovi predizborne kampanje nastali u periodu od dana podnošenja prijave za ovjeru za Lokalne izbore 2008. godine do dana ovjere rezultata izbora iznose 196.231,84 KM.

zajednice, kao i privredna udruženja u kojima uloženi javni kapital iznosi najmanje 25% ne mogu da finansiraju političke partije.

² U skladu sa odredbama člana 11. stav (1) Zakona o finansiranju političkih stranaka, politička stranka je obavezna voditi evidenciju o svojim prihodima i rashodima.

³ U skladu sa računovodstvenim propisima i odredbama člana 11. stav (1) Zakona o finansiranju političkih stranaka, stranka je obavezna da ažurno vodi blagajničke izvještaje i da u poslovnim knjigama evidentira gotovinske transakcije sa datumom njihovog nastanka.

Troškovi predizborne kampanje

Hrvatska stranka prava BiH „Đapić-dr.Jurišić“ je postupila u skladu sa odredbama člana 15.10 Izbornog zakona BiH, odnosno u svrhu izborne kampanje je potrošila 196.231,84 KM.

U skladu sa odredbama člana 15.10 Izbornog zakona BiH politička stranka za potrebe izborne kampanje ne smije potrošiti više od 0,30 odnosno 0,20 KM⁴ po biraču u svakom izbornom krugu, prema broju birača koje je objavila Centralna izborna komisija BiH.

Prema podacima Centralne izborne komisije BiH, Hrvatska stranka prava BiH „Đapić-dr.Jurišić“ je u svrhu izborne kampanje za Lokalne izbore 2008. godine mogla potrošiti 212.335,95 KM.

5.2. PREPORUKE :

Preporučuje se Hrvatskoj stranci prava BiH „Đapić-dr.Jurišić da se pridržava odredaba Zakona o finansiranju političkih stranaka, a posebno na osnovu uočenih nedostataka se preporučuje:

- *Da postupa u skladu sa odredbama člana 8. stav 1. i člana 11. stav 1. Zakona o finansiranju političkih stranaka i to:*
 - *da se ne finansira iz izvora koji su zabranjeni ovim Zakonom,*
 - *da uspostavi ažurne evidencije o prometu gotovine i evidencije o svojim rashodima*

- *Stranka treba unaprijediti upravljanje gotovinom putem blagajnem i ustrojiti vođenje blagajničkih izvještaja na dnevnom nivou.*

Komentar

Hrvatska stranka prava BiH „Đapić-dr.Jurišić“ nije se očitovala na nalaze revizije i mišljenje revizora dato u preliminarnom izvještaju o pregledu godišnjeg finansijskog izvještaja za 2008. godinu koji je stranci dostavljen 30.10.2009. godine.

Mr. Hasida Gušić, šef Službe za reviziju - revizor

⁴ Član 15.10 stav 2. istog člana propisuje da se maksimalno dozvoljeni iznos za finansiranje izborne kampanje izračunava tako što se broj glasača u svim izbornim jedinicama u kojima politički subjekt ima kandidatsku listu ili kandidata pomnoži sa: 30 feninga za načelnika opštine odnosno gradonačelnika i za članove skupštine opštine, članove Narodne skupštine RS i Predstavničkog doma Parlamenta Federacije BiH, članove Parlamentarne skupštine BiH, člana Predsjedništva BiH, i predsjednika i potpredsjednike RS, odnosno 20 feninga za izbore za članove kantonalnih skupština.